



Univ. Jagell.

96.

Pertag. 1288.

Lorwinski Thomae Joannis. Novum posthumae memo-
riae monumentum Venerandis Patrum Almac
Acad. Crac. Oneribus in nove s. Aeneas
Basilea erectum.

Biblioteka Jagiellońska



stdr0004947

NOVUM
POSTHVMÆ MEMORIÆ
MONUMENTUM,
VENERANDIS PATRVM,
ALMÆ ACADEMIÆ CRACOVIENSIS
CINERIBVS,
in Nova S. ANNÆ Basilica,
ERECTVM;

&
Festo, Transportationis
OSSIVM EORVM DIE,
A B

Vniversis Ordinibus Academicis,
Pietate Lugubri
CELEBRATO,
ad gratam recordationem,
imitationemq; Posterorum,
Filiali erga Patres cultu,
ac obsequio parentali

A
M: THOMA JOANNE SOWINSKI,
Philosophia Doctore, ac Professore, Collega Minore,
CONSIGNATVM.

Anno Domini 1696. Die 19. Novembris.

CRACOVIAE, TYPIS VNIVERSITATIS.



MONUMENTA PATRUM,

CORDA FILIORVM,

Tunc Solennibus coluntur exequijs,

& nova sunt semper;

quum facta, dictaq; Eorum secum memore mente revolvunt;

Famamq; , ac Figuram Animorum magis,
quàm Corporum complectuntur.

Magnorum busta Virorum,

Si vindicijs funerum destinantur,

nunquàm magnificentius posteris patent;

quàm dum in pijs reconditi affectibus vigent.

Cælatura hæc, arcanâ animorum confessione insignis,

stuporem quidem habet,

sed non silentium.

Quod cùm acerbi doloris oracula
temporum vicissitudini in obscurum
memoriæ lapsum manifestet;

ea tamèn intra vocalem gratitudinis sortem
conservat ad immortalitatem.

Ebur Marmor, & Saxa,

voces perennitatis,

multorum Artificum ingenia fatigant,

ut Vitam Maiorum, in animis mortalium statuunt.

Sed hæc calentibus desiderijs animata,

aut Multorum votis satiata,

scalpræ & opificum crusta fiunt.

Extor-



Extorquent quidem hominum memoriam,
sed vigente elegantiā,
quam si tempus edax rerum consumpserit,
silentium in vmbra pensant.

Sola pietas sæculorum lingua & confessio,
vitam in animis loquitur non sepulturam.

Nimirum ILLUSTRUM VIRORUM CINERES,
nunquam inter rudera Antiquitatis
aut inquietos temporum casus censentur,
si pijs posterorum votis concreduntur.

Vivunt inter funestos rerum casus
MAGNA NOMINA SECVRA,

nec vlli temporum iniuriæ subiacent,
quæ gratæ pietatis in vrna clauduntur.

Quod enim rectè factorum gloria promeruit ad excellentiam,
hoc pia in succedentibus recognitio,
sine censu gloriæ æstimatum non sinit,
quin solenni recordatione compenset.

Quis cogitasset tot Prædecessorum memoriam
celebri cultu immortalem fore!

quibus pulverem terræ pro fine & quiete DEVS edixit.

tristis reuersio in Cineres,
iustitiæ Diuinæ rigorem obseruat,
relieto tamen ad posteros: monumento pietatis,
vt quorum operâ & curâ erigimur,
in stationem doctrinæ & vitæ integritatem,
eorum etiam meritis, solenne gloriæ

Simulacrum, construamus.

Festum hunc diem,

inter fastos literarum nouissimum
agimus & scribimus Vobis

Pij Manes, Patres olim Literariæ Reipublicæ Diui,
Magna Nomina & fulcra:

nouo cultu & reuerentiâ,
pijs affectibus & memoriâ :

dum post trium sæculorum evolutionem,
recondita monumenta vestra,
Splendore & vitæ gloriâ, adornata admiramur,
eo intuitu, quo fatorum sortem, Diuinæ legis
interpretem, legimus non absq; casu:
quòd aliquando Ædium rudera fieri necesse sit;
vt gloria Maiorum & famæ excellentia
arcanâ vicissitudine occlusa, manifestetur.
Nec mirum / cur gratos omnium Nostrum affectus
pio erga vos cultu renouemus!
Nam si septem Vrbes Homero contenderunt in gloriam,
& prodigium sepulchri,
quòd Iliadem integram Græcia comperisset.
Quo Vostrophæo quonè Mausolæo, Artemisia Vestra Academia locabit,
qui ingentibus laboribus, scriptis factisq;
hanc literariam Rempublicam, auxistis, condidistis,
pietate integram conseruastis.

Renascimini igitur Noui Phænices,

grato amantium filiorum flamine accensi,
Quibus ardens pro bono publico Zelus,
Augustum in posteris mentibus
rogum extruxit.
Luguhrem vnde simul & hilarem fandi materiam relinquitis,
illam, quod repositam quietem inter tot vmbras
& monumenta antiquitatis,
nouo suspirio intueamur:
hanc; quod Nouæ huius Basilicæ fundamenta
tam excellenti pignore adornata censeamus.

Occupatis hoc Patrimonium Vestrum,

multis Literarum laboribus partum,
noua possessione gloriæ, & eo jure,
vt cultus hic alter nullus fieri possit
(mirâ dispositione Superum)
priusquam vobis, prima pietatis reuerentia
concedatur.

Impleuistis odore suauitatis vtrasq; Ædes

Antiquas;

Antiquas ; vt ex ijs Sanctimonia vitæ
spectanti populo pateret in admirationem;
Nouas : vt ex accessione Cinerum Vestrorum
maior ornatus haberetur.

Fuerit sanè cura multorum
magna aluisse ingenia muneribus,
vt HAMMONII Iouis filios ex Olympiade nesciamus.
Nobis hæc securitas est ;
ex rectè factorum conscientia,
aliam Maiorum propaginem humili studio compensare.

Placuere multis Hectores

magis quàm Pompilij,
aut Ilium quàm Parthenope;
Vera tamèn gloria non ab Antiquitate,
sed à meritis pretium habet.

Parænesis est hæc

Tuæ æternæ Famæ

DIVE SAMBORITANE,

S. Theologiæ Doctor & Professor,
Humilitatis exemplar, & Virtutum Compendium,
grauium statèra morum & admiratio,
Iuventutis erudiendæ Norma & Votum,
cuius integritati Vitæ, & Sanctimoniæ
plausum fecere cælitùs observata prodigia;

Prima Institutio

B. STANISLAI KOSTKA,

Præceptum Domini lucidum,

quo ad Splendores & Scientiam Sanctorum profecit

Nominis claritas publicis in Tabulis erecta,
Tuorum quidem candida interpres præclarè factorum ;
Sed nobis Schola Sanctitatis, & omnium virtutum

Gymnasium;

hum. ad Orientem prostratus in plenitudine meritorum

B

Vivere

Vivere & mori in terris desiisti,
ut è Cælo orireris Academicis Tuis Lucifer pietatis.

Sancta hæc

Vestigia gloriosè premis & prenas
ò Summum Literatorum Decus

A D A M E O P A T O V I,

S. Th. Doctor & Professor,

Cultura literarum & Scientiarum rerum Divinarum

Tuo Sæculo Princeps:

Pauperum alendorum & Vestiendorum vltimum refugium,

Afflictorum Asylum & consolatio.

Piarum foundationum Maximus Author,

Fidei Orthodoxæ Columna Adamantina,

Ultra 40. Annos in statione Academica,

continuis laboribus, laudabiliter functus non fractus,

tantum promeruisti literis apud posteros,

quantum ad integritatem gloriæ

sufficit habuisse.

Piis quidem affectibus Nostris fuisti Suspirium & votum,

nunc opinione Sanctitatis Oraculum es,

Quod

in Transportatione Ossium Tuorum,

Violarum odore suauissimo.

Vtramq; Basilicam impleveris.

Immensum hoc Solatium est Successorum,

quod cum

relatione Maiorum Arcanis Virtutibus

florere volueris,

te D E V S

sine grato Sanctimonix testimonio habere noluerit.

Stupendo

Divinæ humanæq; Sapientiæ Vestræ lumine

Sepulchrales quoq; umbras dispungitis, Splendida

Theo-

Theologorum Luminaria
SIMON HALICI,

Oratorum Tylicianæ Foundationis gloria Prima,
S. Th. Doctor & Professor,
Vitæ Sanctimonia & doctrinæ salutaris excellentiâ
piè credentium, iudicio Divis
addite Bonis.

MATTHIA BLOSI,

S. Th. Doctor & Professor,
Gravæ ætatis imago & idea,
Consuetudinum Academicarum observantissime
Laborum in statione Academica Cultor eximie,
Octo & Septuaginta Annos Nate,
in ipsa lectione

de Angelis numerosa Auditorum frequentia
spectante & stupente,
ex Cathedra ab Angelis ad Collegium Beatorum
Relate.

IACOBE PIOTROVICI,
Morum gravitate & Sacra eloquentiâ celeberrime,
Nobilissimæ Polonæ Juventutis Chiron felicissime,
in ipso rerum pulcherrimarum apparatu,
rebus humanis

magno omnium desiderio erepte.

ANDREA LIPNICI,

Ecclesiastes Zelozissime,
Cælestis eloquij thymiamata Sabæis iucundiora fundens
in media Concione, magno ad stantium suspirio
ad superos euocate.

IACOBE VITELLI,

S. Th. Doctor & Professor.

Quem

Natura ad omne scientiarum genus
ad omnigenæ eruditionis & linguarum peritiam efformavit,
Labor

Labor summus & virtus exercuit;
in expugnandis Calvinii erroribus
Torunij in Prussia publica disputatio
Magno fidei incremento
totum claravit per Orbem.

Quam verò
à me feret pietatis Adorem
Vernans in Cinere Virtus Vestra multiplex,
Præsentis sæculi sidera clarissima
acerbo funere merfa

FLORIANE LEPIECKI,

S. Th: Professor.

utriusq; facundiæ dulce florilegium,
Sanguinis mei gemmea Corona,
Decus, pretium, patrocinium,
Immortalium scriptorum monumentis perennibus
in animis eruditorum, perennem
promerite gloriam.

NICOLAE SVLIKOWSKI,

S. Th: Doctor & Professor.

Cantator Cygne funeris ipse Tui,
Peracto tremendæ Missæ Sacrificio,
Ad Nuptias Agni Immaculati convivium piorum
cum triumphali Alalagma

Te DEVM Laudamus,

invitate.

ADAME MLYNKIEWIC,

S. Th: Professor.

Iurium Academicorum vindex acerrime,
egenorum, bonorumq; ingenuorum Altor amplissime.

LVCA PIOTROWSKI,

purissima siderum luce, pro ingentibus in rem Academicam
meritis & beneficijs dignissime.

IOANNES RADZKI,

Eruditarum gratiarum sacrarium,

Conten-

Contendentium ad Laureas Philosophicas, dulce præsidium.

SIMON MAKOWSKI,

Sol Doctorum nitidissime;

Libertatis Academicæ Assertor Magnanime,
in ferendis laboribus PALMA VIRENS,
in resolvendis & elucidandis S. Scripturæ Arcanis MIRACVLVM;
tot Sapientissimorum in Sacris Voluminum,

AVTHOR EXIMIE.

JACOBE BALTAZAROV,

Vir prisce moris & candoris vitâ integerrime,

SACRÆ THEOLOGIÆ DOCTORES,

Peraugusti Trium Coronarum Vavelli,

PRÆTIOSI TRES VNIONES.

Salve, æternumq; Vale

Doctissimi **VALENTINI MAZURKIEVII,**

S. Th. Professoris,

Vmbra omni fidere clarior,

omnium eruditæ antiquitatis reconditorium,

Viva dum fuit vita, Bibliotheca.

Infandum Tu quoq; jubes renovare dolorem,
futurus olim Regni literarij grande Decus & Columnen,
nunc Cinis exiguus,

VENCESLAE STRASZYNSKI,

S. Th. Professor,

Philosophorum & Theologorum Apex,

præcipiti fatorum, mortisq; properæ invidiâ,

ad vallem mortalitatis depresso.

Magnis Patrum Vmbris

Major Phæbo dies accedit,

cum Tuis exuvijs nihil mortalitati debentibus,

MAGNE BIEZANOV,

Musarum corculum & fandi gratia vivax,

Regum delictum, bonorum ingeniorum Pater,

Æstimatio, Pretium,

Omnis ævi Oratorum & Poëtarum excellentium,

felicitissimo ingenio,

Summam supergressæ gloriam;

in præclarè factis meritis, scriptis immortalibus,
si sæcula, & ingeniorum Phænices vicisti,
immortalitatem adæquasti.

Parcite Clarissimæ etiam in Sepulchris perenniū ingeniorum exuviae,
Quas innominatas relinquo.

Quis singulorum fando decora recensuerit!
Orbem terrarum virtutum & doctrinarum splendore illustrastis,
ergo in pulverem reversis, sit Vobis Terra levis.

Te verò Polonum Tobiam,

Vivum misericordiarum Domini instrumentum,
in viscera charitatis totum effusum,
vitâ longissimâ donet Deus,
& pia molimina Tua præveniat,
in benedictionibus dulcedinis,

Perillustris, & Reverendissime Domine,

M. SEBASTIANE PISKORSKI,

I. V. Doctor & Professor, CANONICE Cracoviensis, &c.

Cujus curâ maximâ, solitudine immensa,
prudentiâ industriâq; incomparabili.

Opus hoc Novæ Ecclesiæ basilicum,

altius in æthera surgit,

& OSSA arida PATRVM,

in NOVUM translata MONUMENTVM, audiunt VERBVM DEI.

Salvete igitur Cineres, Simulacra Sanctitatis,

SANCTARUM RELIQUIÆ ANIMARUM,
DOCTORUM IDEÆ,

Pignora Immortalitatis.

Salvete Magnorum Rei Academicæ Columinum Umbræ,
sed in Lucem commutatæ,

Firmate similitudine morum, vitæ integritate intaminatâ, scientiarum gloriâ
Regnum hoc Literarium,

cum RECTORE MAGNIFICO,

Hodiernæ Solennitatis Authore Primo.

Salvete Urnæ claritudine meritorum fulgentes,

NOVI MONUMENTI Primi, sed non novissimi HOSPITES,

NOVÆ DOMUS DOMINI DIVI PENATES,

DET Vobis Requiem sempiternam ILLE,

QUI mortem nostram moriendo destructurus,

Primitiæ dormientium CHRISTVS,

Novo voluit condi in

MONUMENTO.

PERMISSU MAGNIFICI DOMINI RECTORIS.

viz,

is,

LI,

EL.

gloriâ,

